

Na osnovu člana 252. tačka 11. a u vezi sa članom 178. st.1. i 2. i članom 179. tačka 4. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj 6/06), ministar komunikacija i prometa, u saradnji sa tijelom nadležnim za obrazovanje, donosi

## **PRAVILNIK**

### **O UVJETIMA I NAČINU DOBIJANJA LICENCE**

#### I - OPĆE ODREDBE

Član 1.

##### **(Predmet)**

Ovim Pravilnikom propisuju se uvjeti i način dobijanja licence za predavača teoretske nastave, ispitača iz teoretskog dijela ispita, ispitača iz upravljanja motornim vozilom, vrste i izgled licence, postupak i način izdavanja i oduzimanja licence i način vođenja evidencije o izdatim licencama.

#### II - UVJETI DOBIJANJA LICENCE

Član 2.

##### **(Licenca predavača teoretske nastave)**

Pravo ospozobljavanja i polaganja ispita za dobijanje licence predavača teoretske nastave ima diplomirani inžinjer saobraćaja, cestovni smjer koji ima vozačku dozvolu i najmanje tri godine iskustva na poslovima sigurnosti cestovnog saobraćaja.

Član 3.

##### **(Licenca ispitača iz teoretskog dijela ispita)**

Pravo ospozobljavanja i polaganja ispita za dobijanje licence ispitača iz teoretskog dijela ispita ima:

- diplomirani inžinjer saobraćaja, cestovni smjer koji ima vozačku dozvolu "B" kategorije i tri godine iskustva na poslovima cestovnog saobraćaja ili osoba koja ima visoku stručnu spremu i tri godine iskustva na poslovima vozača-instruktora vožnje motornih vozila;
- inžinjer saobraćaja, cestovni smjer i pet godina iskustva na poslovima vozača-instruktora vožnje motornih vozila.

Član 4.

##### **(Licenca ispitača iz upravljanja motornim vozilom)**

Pravo ospozobljavanja i polaganja ispita za dobijanje licence ispitača iz upravljanja motornim vozilom ima:

- diplomirani inžinjer saobraćaja, cestovni smjer, diplomirani pravnik, diplomirani inžinjer mašinstva i osoba koja ima VII stepen stručne spreme, nastavno-pedagoškog smjera, koji imaju najmanje jednu godinu iskustva na poslovima vozača-instruktora vožnje motornih vozila;

- b) inžinjer saobraćaja, cestovni smjer ili osoba koja ima VI stepen stručne spreme, nastavno-pedagoškog smjera i koji imaju najmanje tri godine iskustva na poslovima vozača-instruktora vožnje motornih vozila;
- c) osoba koja ima V stepen stručne spreme, cestovni smjer i pet godina iskustva na poslovima vozača-instruktora vožnje motornih vozila;
- d) osoba koja ima IV stepen stručne spreme, cestovni smjer i šest godina iskustva na poslovima vozača-instruktora vožnje motornih vozila.

### III - POSTUPAK DOBIJANJA LICENCE

#### Član 5.

##### **(Plan i program)**

Postupak dobijanja licence za predavača teoretske nastave, ispitača teoretskog dijela ispita i ispitača iz upravljanja motornim vozilom, provodi se po jedinstvenom planu i programu za područje Bosne i Hercegovine.

#### Član 6.

##### **(Prijava)**

- (1) Prijava za dobijanje licence iz člana 5. ovog Pravilnika podnosi se tijelu entiteta, kantona i Brčko Distrikta Bosne i Hercegovine nadležnom za obrazovanje (u dalnjem tekstu: tijelo nadležno za obrazovanje).
- (2) Prijava se podnosi na obrascu koji je prilog broj 1. i čini sastavni dio ovog Pravilnika.
- (3) Uz prijavu se prilaže:
  - a) dokaz o ispunjavanju uvjeta u pogledu stručne spreme propisane ovim Pravilnikom,
  - b) ovjerena fotokopija osobne karte,
  - c) ovjerena fotokopija vozačke dozvole,
  - d) ovjerena fotokopija dozvole vozača- instruktora,
  - e) dokaz o traženom iskustvu na poslovima vozača-instruktora vožnje motornih vozila,
  - f) uvjerenje da nije izrečena mjera sigurnosti ili zaštitna mjera zabrane upravljanja motornim vozilom i
  - g) dokaz o uplati troškova za dobijanje licence.

#### Član 7.

##### **(Pripremna nastava)**

(1) Pripremu za dobijanje licence predavača teoretske nastave, ispitiča teoretskog dijela ispita i ispitiča iz upravljanja motornim vozilom, obavlja tijelo nadležno za obrazovanje izvođenjem nastave i to:

- a) 10 sati za dobijanje licence za ispitiča teoretskog dijela ispita;
- b) 10 sati za dobijanje licence za ispitiča iz upravljanja motornim vozilom;
- c) 10 sati za dobijanje licence predavača teoretske nastave.

(2) Nakon završetka pripremne nastave tijelo iz stava 1. izdaje potvrdu na obrascu, koji je prilog broj 2. i čini sastavni dio ovog Pravilnika.

#### Član 8.

##### **(Izvođenje pripremne nastave)**

(1) Izvođenje pripremne nastave obavlja se po planu i programu koji obuhvata:

- a) poznavanje propisa o sigurnosti saobraćaja na putevima,
- b) poznavanje motornih i priključnih vozila,
- c) vožnju u ulozi ispitiča,
- d) pedagogiju i
- e) saobraćajnu psihologiju.

(2) Plan i program iz člana 5. ovog Pravilnika je prilog broj 3. i čini sastavni dio ovog Pravilnika.

#### Član 9.

##### **(Naknada troškova)**

Visinu naknade troškova pripremne nastave, polaganja ispita za dobijanje licence i ispitne komisije utvrđuje tijelo nadležno za obrazovanje.

#### IV- POLAGANJE ISPITA

#### Član 10.

##### **(Ispitna komisija)**

(1) Ispit za dobijanje licence polaže se pred komisijom koju imenuje tijelo nadležno za obrazovanje, u mjestu polaganja ispita.

(2) Komisiju čine predsjednik i po dva ispitiča za svaku pojedinu oblast iz Programa polaganja ispita.

#### Član 11.

### **(Stručnost članova komisije)**

- (1) Za predsjednika komisije imenuje se diplomirani inžinjer saobraćaja, cestovni smjer, diplomirani pravnik ili osoba koja ima visoku stručnu spremu, nastavno-pedagoški smjer, koji imaju vozačku dozvolu, i tri godine iskustva u oblasti obrazovanja u saobraćaju.
- (2) Za ispitivača iz teoretskog dijela ispita se imenuje osoba koja ima licencu ispitivača teoretskog dijela ispita.
- (3) Za ispitivača iz saobraćajne psihologije imenuje se diplomirani psiholog koji ima vozačku dozvolu najmanje tri godine.
- (4) Za ispitivača iz pedagogije imenuje se diplomirani pedagog ili andragog koji ima vozačku dozvolu najmanje tri godine, a za ispitivača iz praktičnog dijela pedagogije imenuje se osoba koja ima licencu ispitivača iz upravljanja motornim vozilom.
- (5) Za ispitivača iz poznavanja motornih vozila, uređaja i opreme, imenuje se diplomirani inžinjer saobraćaja, cestovni smjer, ili diplomirani inžinjer mašinstva motori i motorna vozila.
- (6) Za ispitivača iz upravljanja motornim vozilom imenuje se osoba koja ima licencu ispitivača iz upravljanja motornim vozilom.

Član 12.

### **(Održavanje ispita)**

- (1) Ispit se održava u zavisnosti od zainteresiranosti kandidata.
- (2) O mjestu i vremenu održavanja ispita tijelo nadležno za obrazovanje obavještava zainteresirane kandidate, najmanje 30 dana prije dana održavanja ispita.

Član 13.

### **(Sadržaj testova)**

- (1) Testovi za polaganje ispita sadrže pitanja sa jednim ili više tačnih odgovora.
- (2) Testove za polaganje ispita, priprema i izdaje organ entiteta, kantona i Brčko Distrikta Bosne i Hercegovine, nadležan za obrazovanje, u skladu sa Programom iz ovog Pravilnika i jedinstveni su za cijelo područje Bosne i Hercegovine.

Član 14.

### **(Predavač teoretske nastave)**

- (1) Kandidat koji ima dozvolu vozača-instruktora, za dobijanje licence za predavača teoretske nastave polaže poznавanje propisa o sigurnosti saobraćaja na putevima.
- (2) Kandidat koji nema dozvolu vozača instruktora, za dobijanje licence za predavača teoretske nastave polaže poznавanje propisa o sigurnosti saobraćaja na putevima i pedagogiju.

Član 15.

### **(Ispitivač teoretskog dijela ispita)**

- (1) Kandidat za dobijanje licence za ispitivača teoretskog dijela ispita, ako ima dozvolu za vozača-instruktora, polaže ispit iz poznавања propisa o sigurnosti saobraćaja na putevima.
- (2) Kandidat za dobijanje licence za ispitivača teoretskog dijela ispita, koji nema dozvolu vozača-instruktora, polaže poznавање propisa o sigurnosti saobraćaja na putevima, poznавање motornih i priključnih vozila, pedagogiju i saobraćajnu psihologiju.

Član 16.

### **(Ispitivač iz upravljanja motornim vozilom)**

- (1) Kandidat za dobijanje licence za ispitivača iz upravljanja motornim vozilom polaže poznавање propisa o sigurnosti saobraćaja na putevima i pedagošku vožnju iz praktičnog dijela pedagogije.
- (2) Kandidat koji je diplomirani inžinjer saobraćaja, cestovni smjer ne polaže ispit iz poznавања motornih i priključnih vozila ni ispit iz saobraćajne psihologije.
- (3) Kandidat koji je diplomirani inžinjer mašinstva, smjer motori i motorna vozila ne polaže ispit iz poznавањa motornih i priključnih vozila.
- (4) Kandidat koji ima VII stepen stručne spreme nastavno-pedagoškog smjera ne polaže ispit iz pedagogije.

Član 17.

### **(Način polaganja ispita)**

- (1) Ispit za dobijanje licence za predavača teoretske nastave polaže se pismeno rješavanjem testa koji sadrži 90 pitanja i traje maksimalno 90 minuta, odnosno usmeno iz oblasti navedene u članu 14. ovog Pravilnika.
- (2) Ispit za dobijanje licence ispitivača teoretskog dijela ispita polaže se pismeno rješavanjem testa koji sadrži 70 pitanja i traje maksimalno 70 minuta, odnosno usmeno iz oblasti navedene u članu 15. ovog Pravilnika.
- (3) Ispit za dobijanje licence ispitivača iz upravljanja motornim vozilom polaže se pismeno rješavanjem testa koji sadrži 70 pitanja i traje maksimalno 70 minuta, odnosno usmeno iz oblasti navedene u članu 16. ovog Pravilnika.
- (4) Ispit za dobijanje licence ispitivača iz upravljanja motornim vozilom, polaže se i praktično, i obuhvata pedagošku vožnju (ocjenjivanje kandidata) koja traje najmanje 25 minuta.
- (5) Osoba koja polaže ispit dužna je za potrebe ispita osigurati vozilo "B" kategorije tehnički ispravno, čisto i propisno opremljeno vozilo.
- (6) Prilikom polaganja ispita iz upravljanja motornim vozilom, odnosno vožnje u ulozi ispitivača kandidat je dužan pratiti, provjeravati i ocjenjivati vožnju druge osobe-ispitivača iz upravljanja motornim vozilom.

Član 18.

### **(Ocenjivanje)**

- (1) Kandidat se ocjenjuje na osnovu:
- a) objektivne procjene samostalne, sigurne i pravilne vožnje kandidata;
  - b) ocjene vožnje kandidata i nivoa sposobljenosti;
  - c) sadržaja i kvaliteta usmenih uputstava tokom vođenja ispita;
  - d) sposobnosti procjene samostalnosti sigurne i pravilne vožnje kandidata;
  - e) pravilne procjene, donošenja odluka, stavova i poznavanja pravila u saobraćaju;
  - f) usmenog obrazloženja načina vožnje i davanja odgovarajućih instrukcija;
  - g) zaključaka o znanju, vještini i ponašanju kandidata za sigurno učestvovanje u saobraćaju, i sl.
- (2) Kod ispita koji se sastoji iz pismenog i usmenog dijela, pravo polaganja usmenog dijela ima kandidat koji postigne najmanje 90% od ukupnog broja mogućih bodova na pismenom dijelu ispita.
- (3) Kandidatu koji ne položi ispit, saopćavaju se greške koje je napravio prilikom polaganja.

Član 19.

### **(Tok ispita)**

- (1) Komisija odnosno ispitičar, obavezni su, prije početka ispita, dati detaljno uputstvo o načinu rješavanja testova i drugim uvjetima ispita.
- (2) Za vrijeme ispita kandidat ne može na testovnom listiću vršiti bilo kakve ispravke.
- (3) U slučaju potrebe, na zahtjev kandidata može se dati novi testovni listić, što se zapisnički konstatiše i uključuje u dokumentaciju kandidata.
- (4) Osim testa i testovnog listića, kandidat na stolu može imati samo sredstvo za pisanje i naočare.

Član 20.

### **(Nepolaganje ispita)**

- (1) Kandidat koji iz opravdanih razloga nije u mogućnosti pristupiti zakazanom ispitu dužan je odjaviti ispit najkasnije 24 sata od zakaznog termina polaganja, u suprotnom smatrati će se da ispit nije položio.
- (2) Kandidat koji se u toku ispita služi nedozvoljenim sredstvima bit će udaljen sa ispita i smatrati će se da ispit nije položio.
- (3) Ukoliko kandidat odustane od već započetog polaganja ispita, smatrati će se da ispit nije položio.

Član 21.

### **(Greške na ispitu iz upravljanja motornim vozilom)**

- (1) Na ispitu iz upravljanja motornim vozilom ispitiča je dužan evidentirati eliminacione greške kandidata i greške koje se kumuliraju.
- (2) Eliminacione greške su greške koje predstavljaju:
- a) izazivanje neposredne opasnosti u vožnji zbog koje je drugi učesnik u saobraćaju primoran poduzeti neku od izbjegavajućih radnji vozilom;
  - b) postupci suprotni saobraćajnim pravilima i saobraćajnoj signalizaciji;
  - c) izlazak vozilom izvan gabarita saobraćajnice;
  - d) pogrešna upotreba komandi vozila u pokretu ako je izazvalo neposrednu opasnost;
  - e) neuspješno izvođenje pokretanja vozila na putu sa usponom od 8 % do 16%;
  - f) neuspješno izvođenje parkiranja vozila na parking prostoru ili površini na dijelu kolovoza.
- (3) U greške koje se kumuliraju, spadaju sva odstupanja od pravilnih postupaka i izvođenja pojedinih radnji upravljanja motornim vozilom u saobraćaju utvrđenih Zakonom o osnovama sigurnosti saobraćaja na putevima u Bosni i Hercegovini, ovim Pravilnikom, te programom ispita upravljanja motornim vozilom.

Član 22.

### **(Ocjena ispita)**

- (1) Znanje kandidata ocjenjuje se sa "položio" ili "nije položio".
- (2) Kandidat koji ne zadovolji na teoretskom dijelu ispita iz poznavanja propisa o sigurnosti saobraćaja na putevima ne može nastaviti polaganje ispita iz ostalih oblasti.
- (3) Ukoliko se utvrdi da je kandidat položio ispit na osnovu lažne isprave ili na osnovu neistinitih navoda iz prijave, položeni ispit će se poništiti i, eventualno, izdata licenca oduzeti.

Član 23.

### **(Zapisnik)**

- (1) O polaganju ispita vodi se zapisnik koji sadrži: ime i prezime kandidata, ime i prezime članova komisije, datum i mjesto polaganja ispita, broj testa, podatke o greškama koje je kandidat napravio, ocjenu ispita.
- (2) Zapisnik potpisuje predsjednik i članovi komisije, odnosno ispitiča koji je učestvovao na ispitu.

Član 24.

### **(Ponovno polaganje ispita)**

- (1) Kandidat koji ne položi ispit ima pravo ponovnog polaganja, u roku koji odredi tijelo nadležno za obrazovanje.
- (2) Kandidat koji iz tri pokušaja ne položi ispit za dobijanje licence, ima pravo pristupiti ponovnom polaganju ispita, godinu dana nakon posljednjeg neuspjelog polaganja.

Član 25.

**(Prigovori i žalbe)**

- (1) Kandidat koji nije zadovoljio na ispitu, ima pravo prigovora u roku od tri dana od dana saopštavanja ocjene ispita.
- (2) O prigovoru odlučuje komisija za polaganje ispita u roku od tri dana od dana prijema prigovora.
- (3) Protiv odluke komisije, kandidat ima pravo žalbe tijelu nadležnom za obrazovanje, u roku od osam dana.
- (4) U slučaju osnovanosti žalbe, ispit se polaže pred komisijom od dva ispitivača.

V- IZDAVANJE LICENCE

Član 26.

**(Tijelo nadležno za izdavanje)**

Kandidatu koji položi ispit za predavača teoretske nastave, ispitivača teoretskog dijela ispita ili ispitivača iz upravljanja motornim vozilom, tijelo nadležno za obrazovanje, izdaje uvjerenje o položenom ispitnu na obrascu koji je prilog broj 4. i čini sastavni dio ovog Pravilnika, a zatim odgovarajuću licencu.

Član 27.

**(Značenje i trajanje licence)**

- (1) Osoba koja dobije licencu za predavača teoretske nastave dobija i licencu za ispitivača teoretskog dijela ispita, a ukoliko ima dozvolu vozača instruktora vožnje i najmanje jednu godinu iskustva na poslovima obučavanja kandidata za vozače dobija i licencu ispitivača iz upravljanja motornim vozilom.
- (2) Licenca ispitivača iz upravljanja motornim vozilom važi za one kategorije koje kandidat posjeduje kao vozač-instruktor.
- (3) Licence se izdaju na period važnosti od pet godina, s pravom produženja važnosti.

VI - IZGLED LICENCE

Član 28.

**(Sadržaj)**

- (1) Licenca na prednjoj strani sadrži:

- a) utisnut grb Bosne i Hercegovine,
- b) naziv entiteta u kojem se izdaje,
- c) naziv tijela koji je izdaje,
- d) naziv "LICENCA",
- e) redni broj pod kojim je izdata,
- f) ime i prezime, broj lične karte i JMB imaoča,
- g) fotografiju imaoča.

(2) Na poleđini licenca sadrži:

- a) naznaku vrste licence,
- b) datum izdavanja,
- c) rok važenja,
- d) pečat i potpis ovlaštene osobe.

(3) Tekst licence isписан је на једном од службених језика у Босни и Херцеговини (босанском, српском, хрватском).

### Član 29.

#### **(Vrsta i boja licence)**

Licence imaju dimenzije 85 x 55 mm i razvrstane су по vrsti i boji kako slijedi:

- a) licenca za predavača teoretske nastave, ispitivača teoretskog dijela ispita i ispitivača iz upravljanja motornim vozilom, je crvene boje i prikazana je na obrascu prilog broj 5. i čini sastavni dio ovog Pravilnika;
- b) licenca predavača teoretske nastave je plave boje i prikazana je na obrascu prilog broj 6. i čini sastavni dio ovog Pravilnika;
- c) licenca ispitivača teoretskog dijela ispita je zelene boje i prikazana je na obrascu prilog broj 7. i čini sastavni dio ovog Pravilnika;
- d) licenca ispitivača iz upravljanja motornim vozilom je žute boje i prikazana je na obrascu prilog broj 8. i čini sastavni dio ovog Pravilnika.

### Član 30.

#### **(Oduzimanje licence)**

Tijelo iz člana 26. ovog Pravilnika oduzet će licencu ako imalac licence poslove za koje je licenciran obavlja na način protivno odredbama Zakona o osnovama sigurnosti saobraćaja na putevima u Bosni i Hercegovini, ovog Pravilnika te ako mu je izrečena zaštitna mjera zabrane upravljanja motornim vozilom, za vrijeme trajanja izrečene mjere.

## VII- REGISTAR IZDATIH LICENCI

### Član 31.

#### (Evidencija izdatih licenci)

- (1) Za svaku vrstu izdate licence tijelo nadležno za obrazovanje vodi registar.
- (2) Registar iz prethodnog stava sadrži redni broj licence, prezime i ime i ime jednog roditelja imaoča, adresu stanovanja, datum i mjesto rođenja, datum polaganja ispita, vrstu i broj izdate licence, datum izdavanja i oduzimanja licence.
- (3) Registar se zaključuju na kraju svake kalendarske godine i čuva se kao dokument trajne vrijednosti.
- (4) Registar se vodi na obrascu prilog broj 9. i čini sastavni dio ovog Pravilnika.

## VIII - PRIJELAZNE ODREDBE

### Član 32.

U cilju organiziranja i provođenja ispita za dobijanje licence za predavača teoretske nastave, ispitičača iz teoretskog dijela ispita i ispitičača iz upravljanja motornim vozilom, na način utvrđen ovim Pravilnikom, tijelo nadležno za obrazovanje može osobi koja ispunjava uvjete u pogledu stručne spreme utvrđene ovim Pravilnikom za pojedine licence, izdati odgovarajuću licencu.

### Član 33.

#### (Licence drugih država)

Osobe koje imaju licence izdate u drugim državama mogu dobiti licencu Bosne i Hercegovine, pod uvjetom polaganja ispita iz poznавања propisa o sigurnosti saobraćaja na putevima, prema planu i programu iz ovog Pravilnika.

## IX - ZAVRŠNE ODREDBE

### Član 34.

#### (Stupanje na snagu)

- (1) Ovaj Pravilnik stupa na snagu osmog dana od dana objave u "Službenom glasniku Bosne i Hercegovine".
- (2) Ovaj Pravilnik se objavljuje i u službenim glasilima entiteta i Brčko Distrikta Bosne i Hercegovine.

---

Broj 01-02-2-328-8/07  
2. februara 2007. godine  
Sarajevo

---

Ministar  
**Branko Dokić**, s. r.

**PRIJAVA**

Redni broj registra: \_\_\_\_\_

**Za polaganje ispita za dobijanje Licence:**

- Predavač teoretske nastave  
 Ispitivač teoretskog dijela ispita  
 Ispitivač iz upravljanja motornim vozilom

(tijelo nadležno za obrazovanje)

Molim da mi se odobri polaganje ispita. O sebi dajem slijedeće podatke:

1.	Ime i prezime	
2.	Ime jednog roditelja	
3.	Datum, mjesto rođenja i JMB	
4.	Državljanstvo	
5.	Zanimanje	
6.	Adresa stanovanja	
7.	Za koju vrstu Licence polaže ispit	
8.	Način pripremanja ispita za polaganje	
9.	Da li je za istu Licencu već polagao ispit, koliko puta.	
10.	Da li posjeduje vozačku dozvolu, za koju kategoriju vozila, kada je i pod kojim brojem izdata.	
11.	Da li je podnosiocu prijave izrečena mjera zabrane izdavanja, odnosno oduzimanja vozačke dozvole, ako jest od koga i za koje vrijeme	

Uz prijavu prilažem dokumentaciju propisanu pravilnikom i to:

1. ....  
 2. ....  
 3. ....  
 4. ....  
 5. ....

U .....  
 ..... god.

Podnositelj prijave,

.....

Na osnovu prijave i dokumenata priloženih, odobrava se kandidatu

..... polaganje ispita za dobijanje licence .....

Polaganje ispita održat će se dana ..... godine u mjestu  
..... sa početkom u ..... sati.

U ..... god. Potpis ovlaštene osobe,

**SLUŽBENE ZABILJEŠKE:**

---

---

**ZAPISNIK**

**O POLAGANJU ISPITA ZA DOBIJANJE LICENCE**

Ime i prezime kandidata

Dan, mjesec i godina polaganja ispita

**I PROPISI O SIGURNOSTI SAOBRAĆAJA NA PUTEVIMA  
(pismeno i usmeno)**

Ispitna komisija:

1. Ispitivač: .....
2. Ispitivač: .....

Broj testa ....., broj negativnih odgovora....., bodova .....

Ocjena .....

Pitanja za usmeni dio ispita:

1. ....
2. ....
3. ....
4. ....

Ocjena .....

1. Ispitivač.....
2. Ispitivač.....

**II POZNAVANJE MOTORNIH I PRIKLJUČNIH VOZILA (USMENO)**  
**(usmeno)**

Ispitna komisija

1. Ispitivač .....  
2. Ispitivač .....

Pitanja na ispitu:

1. ....  
2. ....  
3. ....

Ocjena .....

1. Ispitivač .....  
2. Ispitivač.....

**III SAOBRAĆAJNA PSIHOLOGIJA**  
**(usmeno)**

Ispitna komisija

1. Ispitivač .....  
2. Ispitivač .....

Pitanja na ispitu:

1. ....  
2. ....  
3. ....

Ocjena .....

1. Ispitivač .....  
2. Ispitivač .....

**IV PEDAGOGIJA**  
**(usmeno)**

Ispitna komisija

1. Ispitivač .....  
2. Ispitivač .....

Pitanja na ispitu:

1. ....  
2. ....  
3. ....

Ocjena .....

1. Ispitivač .....  
2. Ispitivač .....

V PEDAGOŠKA VOŽNjA-VOŽNjA U ULOZI ISPITIVAČA  
(praktično)

Ispitna komisija

1. Ispitivač .....  
2. Ispitivač .....

Greške koje je kandidat učinio u toku vožnje:

1. ....  
2. ....  
3. ....

Ocjena .....

1. Ispitivač .....  
2. Ispitivač .....

KONAČNA OCJENA .....

PREDSJEDNIK ISPITNE  
KOMISIJE

Prilog br. 2

Serijski broj PL 00000001

(tijelo nadležno za obrazovanje)

Broj: \_\_\_\_\_ /  
Datum: \_\_\_\_\_ 20 \_\_\_\_\_.g.

\_\_\_\_\_  
(Ime i prezime) rođen \_\_\_\_ 19 \_\_\_\_ godine, sa prebivalištem u  
\_\_\_\_\_  
obavio je od \_\_\_\_ do \_\_\_\_ 20 \_\_\_\_ godine pripremnu nastavu za  
polaganje ispita za stjecanje Licence:

- Predavač teoretske nastave  
 Ispitivač teoretskog dijela ispita  
 Ispitivač iz upravljanja motornim vozilom za kategoriju .....

M.P.

Potpis ovlaštene osobe

Serijski broj PL 00000001

(tijelo nadležno za obrazovanje)

Broj: \_\_\_\_\_ /  
Datum: \_\_\_\_\_ 20 \_\_\_\_\_.g.

POTVRDA  
o završenoj pripremnoj nastavi za polaganje ispita za dobijanje Licence  
\_\_\_\_\_  
(Ime i prezime) rođen \_\_\_\_ 19 \_\_\_\_ godine, sa prebivalištem u  
\_\_\_\_\_  
obavio je od \_\_\_\_ do \_\_\_\_ 20 \_\_\_\_ godine pripremnu nastavu  
za polaganje ispita za dobijanje Licence:.....

- Predavač teoretske nastave  
 Ispitivač teoretskog dijela ispita  
 Ispitivač iz upravljanja motornim vozilom za kategorije:.....

M.P.

Potpis ovlaštene osobe

## **PLAN I PROGRAM POLAGANJA ISPITA ZA DOBIJANJE LICENCE**

### **A) Propisi o sigurnosti saobraćaja na putevima**

#### **Opća pitanja:**

- vrste propisa o sigurnosti saobraćaja, ZOBS-a na putevima u BiH, prateći propisi i odluke, međunarodni propisi i međunarodne konvencije,
- prava i obaveze, nadležnih tijela i organizacija drugih subjekata i građana ;
- putevi–podjela, održavanje i korištenje;
- izrazi u cestovnom saobraćaju.

#### **Pravila saobraćaja na putevima:**

- opća pravila ;
- radnje s vozilom u saobraćaju;
- uključivanje vozila u saobraćaj i promjena načina i pravca kretanja;
- kretanje vozila po putu;
- brzina kretanja;
- skretanje;
- prvenstvo prolaza;
- saobraćaj na raskrsnici;
- mimoilaženje;
- naizmjениčno propuštanje vozila;
- pretjecanje i obilaženje;
- zvučni i svjetlosni znaci upozorenja;
- zaustavljanje i parkiranje;
- posebne mjere kod zaustavljanja i parkiranja;
- presijecanje kolone pješaka;
- vučenje vozila;
- upotreba svjetala u saobraćaju;
- odstojanje između vozila;
- saobraćaj tramvaja i drugih vozila na šinama;
- saobraćaj bicikla, bicikla sa motorom i tricikla;
- saobraćaj zaprežnih vozila i kretanje stoke;
- saobraćaj pješaka, biciklista i jahača;
- saobraćaj na prijelazu puta preko željezničke pruge;
- saobraćaj na auto putu i putu rezerviranom za saobraćaj motornih vozila;
- saobraćaj u tunelu;
- vozila pod pratnjom;
- vozila s pravom prvenstva prolaza;
- teret na vozilu.

**Saobraćajni znakovi:**

- postavljanje saobraćajnih znakova i njihova podjela;
- znakovi opasnosti;
- znakovi izričitih naredbi;
- znakovi obavjesti;
- svjetlosni saobraćajni znakovi;
- oznake na kolovozu;
- dopunske table uz saobraćajne znakove;
- obilježavanje prijelaza preko puta preko željezničke pruge;
- obilježavanje radova na putu;
- znaci koje daju ovlaštene osobe.

**Dužnosti u slučaju saobraćajne nezgode:**

- dužnosti osoba koja su učestvovala u saobraćajnoj nezgodi;
- dužnosti osoba koja su se zatekla na mjestu saobraćajne nezgode;
- dužnosti osoba koja su našla na mjesto nezgode;
- dužnosti zdravstvene ustanove koja je obavještena o nezgodi ili je primila na liječenje osobu povrijeđenu u nezgodi.

**Vozači:**

- pravo na upravljanje vozilom;
- ospozobljavanje kandidata za vozače;
- vozački ispit i provjera ospozobljenosti;
- vozačka dozvola;
- kategorije vozila;
- važenje vozačke dozvole;
- oduzimanje vozačke dozvole;
- zdravstveni pregledi vozača;
- trajanje upravljanja motornim vozilom.

**Vozači-instruktori:**

- uvjeti za polaganje ispita za vozača-instruktora;
- način polaganja ispita za vozača -instruktora;
- evidencije o dozvolama za vozača -instruktora;
- važenje i produžavanje dozvole za vozača -instruktora.

**Vozila:**

- opće odredbe;
- registriranje motornih i priključnih vozila;
- tehnički pregled vozila.

**Posebne mjere sigurnosti:**

- utvrđivanje alkoholisanosti učesnika u saobraćaju;
- oduzimanje vozačke dozvole;
- upućivanje vozača na provjeru znanja iz poznavanja pravila i propisa,
- isključivanje vozača iz saobraćaja;
- upućivanje vozila na vanredni tehnički pregled.

**Prijevoz opasnih materija u cestovnom saobraćaju:**

- osnovni propisi;
- vrste opasnih materija;
- obilježavanje vozila koja prijevoze opasne materije;
- oprema vozila koja prijevoze opasne materije;
- pakovanje opasnih materija;
- utovar i istovar;
- prijevoz opasnih materija (zapaljivih tečnosti, radio aktivnih materija);
- brzina kretanja i mjere opreznosti pri prijevozu opasnih materija;
- postupak u slučaju kvara na vozilu;
- postupak u slučaju požara na vozilu.

**B) Program ispita iz poznavanja motornih i priključnih vozila**

- Koje su osnovne jedinice za masu i težinu vozila, te za snagu motora i veličinu obrtnog momenta?
- Koja je mjerna jedinica za pritisak (tlak) i buku?
- Objasnite glavne karakteristike common-rail sistema za ubrizgavanje?
- Objasnite prvi takt – usisavanje kod četverotaktnog motora?
- Objasnite drugi takt – sabijanje ?
- Objasnite treći takt – širenje (ekspanzija)?
- Objasnite IV takt – izduvavanje ?
- Koji su elementi aktivne sigurnosti vozila?
- Koji su elementi pasivne sigurnosti vozila?
- Objasnite primjenu sigurnosnog pojasa u vozilu?
- Objasnite koja je uloga zračnih jastuka u vozilu?
- Šta je ABS?
- Kako djeluje ABS pri kočenju?
- Šta je ESP?
- Kako djeluje sistem ESP pri upravljanju vozilom?
- Šta je ASR?
- U kojim situacijama djeluje ASR sistem?
- Kako djeluje ASR sistem?
- Šta je GPS sistem?
- Šta čini GPS sistem?
- Od čega se sastoji svemirski dio?
- Od čega se sastoji kontrolni i korisnički dio?
- Navedite mogućnost primjene GPS sistema?

- Šta je euro tahograf?
- Koji podaci se mogu dobiti sa zapisnog lista?
- Do kojih još podataka se može doći analizom zapisnog lista?
- Koje su osnovne neispravnosti tahografa?
- Objasnite šta je indeks viskoziteta ulja?
- Koja se motorna ulja koriste zimi a koja ljeti?
- Objasnite šta su to multigradna ulja?
- Šta je oktanski broj kod benzina?
- Koji oktanski broj imaju benzini super,eurosuper i šta on znači?
- Šta je cetanski broj dizel goriva?
- Objasnite prednosti alternativnih goriva (dizel-repičinog ulja)?
- Navedite otrovne materije u izduvnim plinovima i njihov utjecaj na čovjeka?
- Koji motori imaju veći stepen iskorištenja benzinski ili dizel?
- Koji je zadatak rama (okvira) vozila?
- Koja je uloga motora na vozilu?
- Koja je uloga transmisije?
- Koja je uloga sistema za upravljanje?
- Koja je uloga sistema za kočenje?
- Koja je uloga sistema za oslanjanje?
- Koja je uloga električnih uređaja na vozilu?
- Navedite nepokretne dijelove motora?
- Navedite pokretnе dijelove motora?
- Koja je uloga razvodnog mehanizma?
- Navedite dijelove razvodnog mehanizma?
- Koji je osnovni zadatak akumulatora?
- Kako funkcioniра akumulator?
- Navedite glavne elemente baterijskog paljenja?
- Objasnite šta se dešava kada se platinska dugmad razdvoje?
- Koji je zadatak indupcionog kalema?
- Objasnji primarni namotaj?
- Objasnji sekundarni namotaj?
- Koja je uloga kondenzatora?
- Koja je uloga svjećice?
- Šta označava broj na svjećici?
- Kakvu struju proizvodi dinamo-mašina?
- Kakvu struju proizvodi alternator?
- Šta je antifriz?
- Zašto se tetraetilolovo dodaje benzinu?
- Koja je uloga katalizatora na vozilu?
- Jedna od najvažnijih karakteristika diesel goriva je filtrabilnost, objasnite to?
- Koje su prednosti gasa u odnosu na motorni benzin?
- Koje su nedostaci upotrebe gasa u odnosu na motorni benzin?
- Koja je uloga termostata?
- Koja je uloga spojnica?
- Koja je uloga mjenjača?
- Objasnite princip rada diferencijala?

- Objasnite šta se dešava u diferencijalu kada vozilo ulazi u desnu krivinu?
- Koja je uloga poluvratila?
- Koja je uloga amortizera na vozilu?
- Navedite otpore koji se javljaju prilikom kretanja vozila?
- Koja je uloga radne kočnice?
- Na principu kojeg zakona funkcioniра hidraulična kočnica?
- Koja je uloga pomoćne kočnice?
- Koja je uloga parkirne kočnice?

### C) Program ispita iz oblasti saobraćajne psihologije

Psihologija i njena primjena u saobraćaju–uvodne napomene;

- Šta je psihologija poučavanja?
- Šta je učenje?
- Koji faktori utječu na poučavanje?
- Sadržaj poučavanja odnosi se na vrste znanja koja mogu biti?
- Osobine osobe koje čine osobu u užem smislu su:?
- Šta su sposobnosti i kako ih dijelimo?
- Šta su senzorne sposobnosti?
- Kako ćemo mi lično podučiti kandidata da vozeći automobil izbjegava iluziju brzine?
- Nabrojite mentalne sposobnosti i navedite što nam one omogućavaju?
- Kako bi mogli definirati pojам mišljenje?
- Šta je pamćenje?
- Kako definiramo inteligenciju?
- Šta su emocije?
- Kako u psihologiji definiramo pojам stav?
- Šta je temperament?
- Šta je samokritičnost i samopouzdanje?
- Može li čovjek s moralnog aspekta različitih sredina biti i moralan i nemoralan?
- Šta je motivacija i koji su načini motiviranja?
- Da li je bolje tokom osposobljavanja pred kandidata postavljati manjih, njemu bliskih ciljeva, ili veći njemu nedostižan cilj?
- Šta je frustracija?
- Kako bi definirali prilagođeno, a kako neprilagođeno ponašanje u frustracionoj situaciji?
- Nabrojite neke od oblika neprilagođenog ponašanja u frustraciji?
- Kakav je oblik ponašanja psovani drugih učesnika u saobraćaju?
- Kako nazivamo nauku koja se bavi proučavanjem sistema ocjenjivanja i koji faktori djeluju na ocjenjivanje?
- Kakvo može biti znanje kao predmet mjerena?
- Kada kažemo da ocjenjujemo kvalitativno znanje?
- Kad kažemo da ocjenjujemo kvantitativno znanje?
- Kad kažemo da ocjenjujemo upotrebljivo znanje?
- Može li nastavnik grijesiti prilikom ocjenjivanja kandidatovog znanja?
- Često se čuje za „halo-efekat“. O čemu se radi?
- Koje su osnovne osobine nastavnika?

- Koje su sastavne vještine poučavanja?
- Šta je socijalna vještina i koje su njene karakteristike?
- Karakteristike socijalne vještine su?
- Šta je samosvjesnost?
- Šta je empatija?
- Kako možemo definirati pojam vještine?
- U toku ospozljavanja kandidata iz nastavnog predmeta UV želimo da kandidat stekne određene motorne vještine. Kroz koje faze stjecanja motorne vještine će kandidat morati proći?
- Opišite fazu razumijevanja i povezivanja.
- Faza povezivanja.
- Kako prepoznajemo plato kod stjecanja vještina?
- Kada govorimo o padu tokom stjecanja vještina?
- Šta je zaboravljanje?
- Kako ćemo strukturirati sadržaj da bi smanjili zaboravljanje?
- Koji su uzroci zaboravljanja?
- Kada se u psihologiji govori o transferu, a kada o interreferenciji?
- Šta je saobraćajna kultura?
- Šta je karakteristično za saobraćajnu kulturu?
- Osobine ličnosti su?
- Karakter čine?
- Temperament je?
- Stavovi su?

#### **D) Program ispita iz oblasti pedagogije**

- Osnovni principi obučavanja,
- Nastavne metode;
- Nastavni oblici;
- Nastavna sredstva;
- Nastavni čas;
- Priprema nastavnika za nastavu;
- Nastavnik-instruktor.

#### **Pitanja za usmeni dio ispita:**

- Andragog je?
- Andragoška didaktika je?
- Andragoška radionica je?
- Artikulacija nastavnog sata?
- Cjeloživotno obrazovanje je?
- Didaktička strategija je?
- Obrazovanje je?
- Nastava je?

- Učenik je?
- Nastavnik je?
- Didaktički trokut je?
- Princip očiglednosti je?
- Princip sistematičnosti i postupnosti je?
- Princip racionalizacije i ekonomičnosti je?
- Princip individualizacije je?
- Didaktički ugovor je?
- Direktna nastava je?
- Frontalna nastava je?
- Grupni oblik nastavnog rada je?
- Problemska nastava je?
- Princip svjesne aktivnosti je?
- Mentor je?
- Mentorska nastava je?
- Metoda razgovora je?
- Metoda predavanje je?
- Metoda demonstracije je?
- Metodika je?
- Nastavna strategija je?
- Nastavni plan je?
- Nastavni proces je?
- Nastavni program je?
- Nastavni sat je?
- Obrazovna grupa je?
- Obrazovni ciklus je?
- Evaulacija je?
- Priprema za nastavu je?
- Provjeravanje je?
- Samoobrazovanje je?
- Strategija je?
- Šta je poučavanje?
- Šta je vaspitno-obrazovni proces?
- Šta je nastava?
- Navedite vrste nastave?
- Navedite nastavne oblike?
- Od čega zavisi dinamika nastave?
- Šta su mediji u nastavi?
- Čime je uvjetovan izbor medija u nastavi?

#### E) Program ispita iz oblasti Upravljanja motornim vozilom

- Radnje vozilom prije polaska na vožnju;
- Vožnja kroz naseljeno mjesto;
- Vožnja van naseljenog mjesta.

### **Vožnja u ulozi ispitiča**

- Sadržaj i kvalitet usmenih uputstava ispitiča tokom vođenja ispita;
- Objektivne procjene samostalne, sigurne i bezbjedne vožnje kandidata;
- Komunikacija sa kandidatom, moral i etika ispitiča;
- Uputstva o toku i kriterijima ispita.

Prilog br. 4

Serijski broj UL 00000001

(tijelo nadležno za obrazovanje)

Broj: \_\_\_\_\_ /  
Datum: \_\_\_\_\_ 20 \_\_\_\_\_.g.

\_\_\_\_\_  
(Ime i prezime)  
položio je dana \_\_\_\_\_ 20 \_\_\_\_ godine ispit za dobijanje Licence:

- Predavač teoretske nastave  
 Ispitivač teoretskog dijela ispita  
 Ispitivač iz upravljanja motornim vozilom za kategoriju .....  
MP.

Potpis ovlaštene osobe

(tijelo nadležno za obrazovanje)

Serijski broj UL 00000001

Broj: \_\_\_\_\_ /  
Datum: \_\_\_\_\_ 20 \_\_\_\_\_.g.

UVJERENjE  
o položenom ispitу за добијање Licence:

\_\_\_\_\_  
(Ime i prezime)  
položio je dana \_\_\_\_\_ 20 \_\_\_\_ godine ispit za dobijanje Licence:

- Predavač teoretske nastave  
 Ispitivač teoretskog dijela ispita  
 Ispitivač iz upravljanja motornim vozilom za kategoriju .....

Uvjerenje se izdaje u svrhu izdavanja Licence.....  
i u druge svrhe se ne može koristiti.



M.P.

Potpis ovlaštene osobe

LICENCA PREDAVAČA TEORETSKE NASTAVE, ISPITIVAČA TEORETSKOG  
DIJELA ISPITA I ISPITIVAČA IZ UPRAVLJANJA MOTORNIM VOZILOM




LICENCA PREDAVAČA TEORETSKE NASTAVE



LICENCA ISPITIVAČA TEORETSKOG DIJELA ISPITA



LICENCA ISPITIVAČA IZ UPRAVLJANJA MOTORNIM VOZILOM



**Registar o položenim ispitima i izdatim licencama**  
(Za predavača teoretske nastave, ispitivača teoretskog dijela ispita i ispitivača iz upravljanja motornim vozilom)

Prilog br. 9

# Službeni glasnik BiH, broj 41/07

Na osnovu člana 252. tačka 11. a u vezi sa članom 178. st.1. i 2. i članom 179. tačka 4. Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH", broj 6/06), ministar komunikacija i prometa, u saradnji sa tijelom nadležnim za obrazovanje, donosi

## PRAVILNIK

### O IZMJENAMA I DOPUNAMA PRAVILNIKA O UVJETIMA I NAČINU DOBIJANJA LICENCE

U Pravilniku o uvjetima i načinu dobijanja licence ("Službeni glasnik BiH", broj 12/07) vrše se slijedeće izmjene i dopune:

#### Član 1.

Član 15.stav (2) mijenja se glasi:

"(2) Kandidat za dobijanje licence za ispitivača teoretskog dijela ispita, koji nema dozvolu vozača-instruktora, polaže poznавanje propisa o sigurnosti saobraćaja na cestama i pedagogiju."

#### Član 2.

U članu 16.st. (2), (3) i (4) se brišu.

#### Član 3.

Ovaj Pravilnik stupa na snagu danom objave u "Službenom glasniku Bosne i Hercegovine" a objavit će se i u službenim glasilima entiteta i Brčko Distrikta Bosne i Hercegovine.

Broj 01-02-2-1463-3/07  
11. maja 2007. godine  
Sarajevo

Ministar  
dr. **Božo Ljubić**, s. r.

Na osnovu člana 252. a u vezi sa članom 178. Zakona o osnovama sigurnosti saobraćaja na cestama u Bosni i Hercegovini („Službeni glasnik BiH“, br. 6/06, 75/06, 44/07, 84/09 i 48/10), ministar komunikacija i prometa, u saradnji sa organom nadležnim za obrazovanje,  
d o n o s i

## **PRAVILNIK O IZMJENAMA I DOPUNAMA PRAVILNIKA O UVJETIMA I NAČINU ZA DOBIJANJE LICENCE**

### **Član 1.**

U Pravilniku o uvjetima i načinu za dobijanje licence („Službeni glasnik BiH“, br. 12/07 i 41/07) (u daljem tekstu: Pravilnik), član 1. mijenja se i glasi:

„Član1.  
(Predmet Pravilnika)

Ovim Pravilnikom propisuju se uvjeti i način za dobijanje licence predavača teoretske nastave, ispitiča iz teoretskog dijela ispita, ispitiča iz upravljanja motornim vozilom, ispitiča iz poznavanja prve pomoći, postupak izdavanja licence i evidencija u vezi s tim.“

### **Član 2.**

Član 2. mijenja se i glasi:

„Član 2.  
(Licenca predavača teoretske nastave)

Pravo osposobljavanja i polaganja ispita za dobijanje licence predavača teoretske nastave ima diplomirani inžinjer saobraćaja, cestovni smjer (VII stepen stručne spreme, najmanje 240 ECTS bodova), koji ima vozačku dozvolu „B“ kategorije.“

### **Član 3.**

Član 3. mijenja se i glasi:

„Član 3.  
(Licenca ispitiča iz teoretskog dijela ispita)

Pravo osposobljavanja i polaganja ispita za dobijanje licence ispitiča iz teoretskog dijela ispita, ima:

- a) diplomirani inžinjer saobraćaja, cestovni smjer (VII stepen stručne spreme, najmanje 240 ECTS bodova), koji ima vozačku dozvolu „B“ kategorije, ili lice koje ima VII stepen stručne spreme, najmanje 240 ECTS bodova i najmanje godinu dana iskustva na poslovima sigurnosti saobraćaja.

b) inžinjer saobraćaja, cestovni smjer (VI stepen stručne spreme, najmanje 180 ECTS bodova) i najmanje godinu dana iskustva na poslovima sigurnosti saobraćaja.“.

#### **Član 4.**

Član 4. mijenja se i glasi:

„Član 4.  
(Licenca ispitivača iz upravljanja motornim vozilom)

Pravo osposobljavanja i polaganja ispita za dobijanje licence ispitivača iz upravljanja motornim vozilom, ima:

- a) diplomirani inžinjer saobraćaja, cestovni smjer (VII stepen stručne spreme, najmanje 240 ECTS bodova), ili diplomirani pravnik (VII stepen stručne spreme, najmanje 240 ECTS bodova), ili diplomirani inžinjer mašinstva (VII stepen stručne spreme, najmanje 240 ECTS bodova), ili lice koje ima obrazovanje nastavno-pedagoškog smjera (VII stepen stručne spreme, najmanje 240 ECTS bodova) i najmanje godinu dana radnog iskustva na poslovima osposobljavanja kandidata za vozače ili instruktora vožnje u autoškoli;
- b) inžinjer saobraćaja, cestovni smjer (VI stepen stručne spreme, najmanje 180 ECTS bodova), ili lice koje ima obrazovanje nastavno-pedagoškog smjera (VI stepen stručne spreme, najmanje 180 ECTS bodova) i najmanje dvije godine radnog iskustva na poslovima osposobljavanja kandidata za vozače ili instruktora vožnje u autoškoli;
- c) lice koje ima V stepen stručne spreme, cestovni smjer i najmanje tri godine radnog iskustva na poslovima osposobljavanja kandidata za vozače ili instruktora vožnje u autoškoli;
- d) lice koje ima IV stepen stručne spreme, cestovni smjer i najmanje četiri godine radnog iskustva na poslovima osposobljavanja kandidata za vozače i instruktora vožnje u autoškoli.“.

#### **Član 5.**

Iza člana 4. dodaje se novi član 4a. koji glasi:

„Član 4a.  
(Licenca ispitivača iz poznавanja prve pomoći)

- (1) Licenca ispitivača iz poznавanja prve pomoći izdaje se licu koje ispunjava slijedeće uvjete:
  - a) da posjeduje licencu doktora opće medicine i
  - b) da posjeduje vozačku dozvolu „B“ kategorije.“.

## **Član 6.**

Iza člana 6. dodaje se novi član 6a. koji glasi:

,,Član 6a.

(Zahtjev za licencu ispitiča iz poznavanja prve pomoći)

Uz zahtjev za izdavanje licence ispitiča iz poznavanja prve pomoći prilaže se slijedeći dokumenti:

- a) ovjerena kopija licence doktora opće medicine,
- b) kopija vozačke dozvole „B“ kategorije i
- c) dokaz o uplati naknade za izdavanje licence.“.

## **Član 7.**

Član 12. mijenja se i glasi:

,,Član 12.

(Održavanje ispita)

- (1) Ispit za dobijanje licence iz čl. 2, 3. i 4. ovog Pravilnika održava se u zavisnosti od broja prijavljenih kandidata.
- (2) O mjestu i vremenu održavanja ispita, organ nadležan za obrazovanje, obavještava prijavljene kandidate najkasnije 7 dana prije zakazanog ispita.“.

## **Član 8.**

Član 13. mijenja se i glasi:

,,Član 13.

(Sadržaj testova)

- (1) Testove za polaganje ispita iz poznavanja propisa o sigurnosti saobraćaja na putevima, priprema i izdaje organ nadležan za obrazovanje, u skladu sa Planom i programom iz člana 5. ovog Pravilnika, koristeći Katalog testovnih pitanja koji objavljuje Ministarstvo komunikacija i prometa Bosne i Hercegovine.
- (2) Testovi iz stava (1) ovog člana sadrže pitanja sa jednim ili više tačnih odgovora.“.

## **Član 9.**

Član 17. mijenja se i glasi:

,,Član 17.

(Sadržaj i trajanje ispita)

- (1) Pismeni dio ispita iz člana 14. stav (1) ovog Pravilnika sadrži 90 pitanja i traje maksimalno 90 minuta.

- (2) Pismeni dio ispita iz člana 15. stav (1) ovog Pravilnika sadrži 70 pitanja i traje maksimalno 70 minuta.
- (3) Pismeni dio ispita iz člana 16. ovog Pravilnika sadrži 70 pitanja i traje maksimalno 70 minuta.
- (4) Na usmenom dijelu ispita iz čl. 14, 15. i 16. ovog Pravilnika kandidat izvlači listić koji sadrži pet pitanja.
- (5) Praktični dio ispita iz člana 16. ovog Pravilnika traje najmanje 25 minuta.
- (6) Kandidat koji polaze ispit iz člana 16. ovog Pravilnika dužan je za potrebe provođenja ispita osigurati tehnički ispravno, propisno opremljeno i čisto motorno vozilo „B“ kategorije.
- (7) Za vrijeme trajanja praktičnog dijela ispita iz člana 16. ovog Pravilnika kandidat je dužan pratiti, provjeravati i ocjenjivati vožnju drugog lica.
- (8) Položen ispit iz poznavanja propisa o sigurnosti saobraćaja na putevima važi godinu dana od dana polaganja.“.

### **Član 10.**

U članu 20. mijenja se naziv člana, koji sada glasi: „Član 20. (Odjava ispita)“.

Mijenja se stav (1) koji sada glasi:

„(1) Kandidat koji iz opravdanog razloga nije u mogućnosti pristupiti zakazanom ispitu, dužan je odjaviti ispit najkasnije do početka zakaznog termina polaganja, u suprotnom smatrati će se da ispit nije položio.“.

### **Član 11.**

Član 21. mijenja se i glasi:

„Član 21.  
(Greške na ispitu iz vožnje u ulozi ispitivača)

- (1) Na praktičnom dijelu ispita za ispitivača iz upravljanja motornim vozilom ispitivač je dužan evidentirati greške kandidata.
- (2) Za evidentiranje i vrjednovanje grešaka iz stava (1) ovog člana koristi se postupak i obrazac propisan Pravilnikom o načinu i uvjetima organiziranja ispita za vozača motornih vozila („Službeni glasnik BiH“, broj 46/12).“.

### **Član 12.**

Član 26. mijenja se i glasi:

„Član 26.  
(Organ nadležan za izdavanje licence)

- (1) Kandidatu koji položi ispit radi dobijanja licence iz čl. 2, 3. i 4. ovog Pravilnika izdaje se uvjerenje o položenom ispitu na obrascu koji je Prilog broj 4. i čini sastavni dio ovog Pravilnika, a zatim odgovarajuću licencu.

- (2) Uvjerenje i licencu iz stava (1) ovog člana izdaje organ nadležan za obrazovanje, koji je imenovao komisiju pred kojom je kandidat položio ispit.
- (3) Licencu iz člana 4a. ovog Pravilnika izdaje organ nadležan za obrazovanje, prema mjestu prebivališta podnosioca zahtjeva.
- (4) Lice kojem se izda licenca, u skladu sa odredbama ovog Pravilnika, mora ispunjavati propisane uvjete za vrijeme važenja licence.“.

### **Član 13.**

Član 27. mijenja se i glasi:

„Član 27.  
(Značenje i trajanje licence)

- (1) Lice koje dobije licencu za predavača teoretske nastave dobija i licencu za ispitivača teoretskog dijela ispita, a ako ima dozvolu vozača instruktora vožnje i najmanje jednu godinu radnog iskustva na poslovima obuke kandidata za vozače ili instruktora vožnje u autoškoli dobija i licencu ispitivača iz upravljanja motornim vozilom.
- (2) Licenca ispitivača iz upravljanja motornim vozilom važi za one kategorije koje kandidat posjeduje kao instruktor vožnje.
- (3) Licenca iz čl. 2, 3, 4. i 4a. ovog Pravilnika izdaje se na period važnosti od pet godina, s pravom produženja važnosti.
- (4) Prilikom produženja licence iz čl. 2, 3. i 4. ovog Pravilnika podnositelj zahtjeva prilaže dokaz da je u periodu od dana izdavanja licence pa do podnošenja zahtjeva prisustvovao na najmanje dva stručna usavršavanja, koja organizira organ nadležan za obrazovanje.“.

### **Član 14.**

U članu 29. stav (1) u tački d), na kraju drugog reda, interpunkcijski znak „tačka“ zamjenjuje se interpunkcijskim znakom „tačka zarez“ i dodaje se nova tačka e) koja glasi:

„e) licenca ispitivača iz poznavanja prve pomoći je bijele boje i prikazana je na obrascu Prilog broj 10. i čini sastavni dio ovog Pravilnika.“.

### **Član 15.**

Član 31. mijenja se i glasi:

„Član 31.  
(Registri)

- (1) Za svaku vrstu izdate licence organ nadležan za obrazovanje vodi registar.
- (2) Registar o položenim ispitima i izdatim licencama predavača teoretske nastave, ispitivača teoretskog dijela ispita i ispitivača iz upravljanja motornim vozilom sadrži:

- a) redni broj licence,
  - b) prezime i ime i ime jednog roditelja imaoca,
  - c) adresu stanovanja,
  - d) datum i mjesto rođenja,
  - e) datum polaganja ispita,
  - f) datum izdavanja licence,
  - g) datum oduzimanja licence,
  - h) vrstu i broj izdate licence i
  - i) napomenu.
- (3) Registar iz stava (2) ovog člana se vodi na obrascu Prilog broj 9. i čini sastavni dio ovog Pravilnika.
- (4) Registar licenci ispitivača iz prve pomoći sadrži:
- a) redni broj licence,
  - b) prezime i ime i ime jednog roditelja imaoca,
  - c) adresu stanovanja,
  - d) datum i mjesto rođenja,
  - e) datum izdavanja licence,
  - f) datum oduzimanja licence i
  - g) napomenu.
- (5) Registar iz stava (4) ovog člana vodi se na obrascu Prilog broj 11. i čini sastavni dio ovog Pravilnika.
- (6) Registri iz st. (2) i (4) ovog člana se zaključuju na kraju svake kalendarske godine i čuvaju se kao dokumenti trajne vrijednosti.“.

## **Član 16.**

Član 33. briše se.

## **Član 17.**

### **(Stupanje na snagu)**

Ovaj Pravilnik stupa na snagu prvog dana od dana objave u „Službenom glasniku BiH“.

Broj: 01-02-2-585/13  
Sarajevo, 08.02.2013. godine

**M I N I S T A R**

*Damir Hadžić*

LICENCA ISPITIVAČA IZ POZNAVANJA PRVE POMOĆI

	BOSNA I HERCEGOVINA (naziv entiteta/BDBiH) (organ nadležan za obrazovanje)	<input type="text"/>
L I C E N C A		<input type="text"/>
Broj: _____ / _____		SLIKA
IME I PREZIME		<input type="text"/>

ISPITIVAČ IZ POZNAVANJA PRVE POMOĆI	
Datum izdavanja: <hr/>	Potpis ovlaštenog lica: <hr/>
Rok važnosti: <hr/>	<hr/>

**Prilog br 11.**

**Registrar licenci ispitivača iz prve pomoći**

Red. br.	Prezime (ime roditelja) ime	Adresa stanovanja	Datum i mjesto rođenja	Datum izdavanja licence	Datum oduzimanja licence	Napomena
1.						
2.						
3.						
4.						
5.						
6.						
7.						